
ВИЛОЯТ ҲОКИМЛИГИДА ЎТКАЗИЛГАН НАВБАТДАГИ ТАДБИРКОРЛАР ҚАБУЛИДА ЭЛЛИККА ЯҚИН МУРОЖААТ КЎРИБ ЧИҚИЛДИ

Бугун, 12 июль куни Фарғона шаҳридаги “Тадбиркорлар уйи” да навбатдаги ҳафталик тадбиркорлар қабули бўлиб ўтди.

Вилоят ҳокимининг биринчи ўринбосари Авазбек Ўринбоев вилоятимизнинг шаҳар-туманларидан келган 50 нафарга яқин ишбилармонлар ҳамда тадбиркорларни қийнаётган масала ва муаммоларни тинглади.

Қабулда ишлаб чиқариш фаолиятни кенгайтириш учун кичик саноат зонасидан ер майдони ажратиш, цитрус меваларни етиштириш мақсадида енгил типда вақтинчалик иссиқхона ташкил этишга рухсат олиш, давлат-хусусий шериклик асосида мактаб қуриш, полестр ип ишлаб чиқаришни йўлга қўйиш, мулкка эгалик ҳуқуқини тиклаш, қурилиш материаллари ишлаб чиқариш учун кредит олиш, бозор ҳудудида эко маркет ташкил этиш, мўмиё экспортини йўлга қўйиш, “Ақлли бекат” қуриш каби турли масалаларда мурожаатлар амалга оширилди.

Қатор мурожаатлар қабул чоғидаёқ ижобий ечимини топди. Қолган ҳар бир мурожаат ҳам тааллуқлиги бўйича масъуллар иштирокида кўриб чиқилди. Қонуний ечимга эга бўлмаган масалаларга эса жойнинг ўзида жавоб қайтарилиб, ҳуқуқий маслаҳатлар берилди. Муддат талаб этадиган муаммолар бўйича ишчи гуруҳлари шакллантирилиб, ўрганишлар натижасидан келиб чиқиб чора-тадбирлар белгиланадиган бўлди.

Бизни ижтимоий тармоқларда кузатинг [Facebook](#),
2021-07-12 15:56:19